

# Ein new Lied

Gemacht zu Ehren dem Durchleuchtigsten  
Fürsten vnd Herrn, Herrn Ferdinand, Erz-  
herzogen zu Osterreich, als General Feld-  
hauptman dieses Zugs in Hungern, durch  
Wolfgang Schmalzl Pfarrhern zu  
Sant Laurentzen auff dem  
Stainfeld.

In Thulner melody.



**A** Krewt euch jr Teutschen alle, dar-  
zue gang Hungerland, Last euch  
das wolgefallen, das Erzherzog Ferdi-  
nand, Sich ellend leßt erbarmen, der ganzen  
Christenheit, Thuet solchen Zug verordnen,  
vnd kumbt zuhilff vns armen, Gott lob in  
ewigkeit.

O Gott im höchsten throne, du miltter  
schöpffer guet, Ich bitt dich Herr verschone,  
vnd halt in deiner huet, Vnnsern Landts-

C

fürsten vnd Herrn, Edlen vnd thewren  
Held, gib glück vnd hail auff erden, durch  
in wir sighafft werden, vnd thuen was  
dir gefelt.

Wolauff in Gottes namen, jr Christen  
vnuerzagt, Lasset ons all stehn zusamen, auff  
Christum sey es gwagt, Thuet ritterlichen  
fechten, für vnser Vatterland, mit harwen,  
schiessen vnd stechen, vnschuldigs bluet zu-  
rechen, lasset euch auff Gottes hand.

Ir Hungern merck mich eben, zum streit  
euch trewlich richt, Erzaigt ewr hilf dar-  
neben, dann eucho zuguet geschicht, Ir solt  
mit nicht vergessen, wieuil doch tausent  
man, Hungerland hat gefressen, wer lan-  
zalen ermessen, solch gschüz munitton.

Ob der Türck vil verhaisset, vnd gibt  
vil gueter wort, Rein glauben er doch laistet,  
erzaigte mit tod vnd mordt, Do hab wir  
fromme Herren, Gotselig Obigkeit, Sind  
wirdig

wirdig aller ehren, das Römisch Keych zu-  
mehrten, trachten sie alle zeit.

Noch eins will ich vermanen, euch alle in  
gemein, Nit schelet bey Gottes namen, vnnnd  
Sacramenten sein, Hiet euch vor raubn vnd  
mörden, seit ghorfam vnderthan, glück ist an  
allen orten, der Türck vnnnd hellisch pforten,  
mag vnns nicht wider stan.



